


十





白沙子卷之七

障五言律詩

題新村書齋壁

日色催江渡潮痕上石梯
趁墟村婦出索哺襁
兒啼樹接黃村塢船移白石溪
落花誰省記何必武陵迷

茅棟依岩靜柴門洗竹通
桑榆巷南北煙火埭
西東一逕漁樵入孤村
井臼同隣家得美酒吹
笛月明中

白沙卷七
新年

陰雨方連日，新年損物華。
呼兒酌我酒，騎馬到誰家。
黯黯寒雲密，蕭蕭暮景斜。
人心正無賴，狼藉任桃花。

今日勝元日，江天乍放晴。
呼瓶汲井水，煮茗待門生。
山鳥鳴將下，桃花暗復明。
所嗟人易老，况復歲華更。

朝雨黃鸝靜，春風暗蕊低。
極知來令節，未肯踏深泥。
狼藉桃無語，侵尋草滿蹊。
還聞騎馬客，躑

躑向沙堤

風驟止客宿

爲恨開年雨，江村馬跡稀。
諸君能枉拜，今夕不須歸。
歲酒堪投轄，人家欲掩扉。
仍聞僕夫語，畏逐駿蹄飛。

暮雨客去

入郭路初暝，過橋客已勞。
僕夫亦吾子，馬跡徇吾曹。
春色歸詩妙，花枝愛酒豪。
良宵只孤負，遮莫雨蕭騷。

莫雨送客

濃綠新春酒踈紅隔水花
官人坐馬醉江路
遶山斜桃李成春徑
牛羊散暮沙
林泉無宿客興
盡且還家

送劉方伯東山先生

為別情何如已別情猶邈
豈無尺素書遠寄天
一角江門卧煙艇酒醒
蓑衣薄明月照孤松清
風灑孤鶴

登陶公壯哉亭

新亭開石窟遠勢借崑崙
天地雙眸迫滄溟一
口吞公來席不暖士死
廟長存憶昔干戈際南
征萬馬奔

無題是夕范生小酌

日月雙輪轉乾坤一氣旋
是時冬始閏細雨夜
如年人語斜風外天機
落葉邊憑誰給燈火更
坐讀殘篇

至容貫宅

在昔偶相遇如今共白頭
敝衣寒露肘破屋早

白沙卷七
知秋家業憑觚翰。厨烟管去留。老翁如辟穀。與
子入羅浮。

福童灌園

縮瓶行百步。池在小橋東。抱瓮雖無忝。寒衣却
未豐。數畦仍待綠。十趾遂流紅。口腹終同及。能
無愧此童。

寄胡寧壽康齋先師之甥

年華當轉鳥。詩思更塗鴉。父子皆吾友。箕裘一
舅家。人猶思嶺北。書不到天涯。莫作婁杼計。浮

生日易斜。

石門

白髮非公事。扁舟進此門。山雲寒不雨。江路曲
通村。玩世吾何有。長途馬不存。晚來堪一醉。江
月照空樽。

悅城

山作旌幢擁。江緝鏡面平。舟航乘曉發。雲日入
冬晴。鼓到江心絕。槎衝石角橫。經過悅城曲。無
語笑浮生。

歲晚江上追次王半山韻

山寒煙錯寞。江曉日荒涼。水際風中動。梅邊鶴
屐香。低頭挈小榼。拍手笑輕航。何但供遊走。而
須此日光。

辱和拙作見示。九日醉中再次奉答。

激楚嗟難和。霓裳更可同。更闌朱鳥下。聲斷碧
雲中。稍歇沾花雨。還吹落帽風。萬松期不至。半
偈欲騰空。

九日馬默齋送姑蘇酒至次韻奉答。

姑蘇一壺酒。九日到山開。即事烏能賦。頽齡漫
愛杯。清風生菊徑。落日滿溪臺。酪酏黎床上。雲
來覆老萊。

求荔枝栽真節堂

高榜近東溟。朝光滿北楹。欲便清晝睡。須待綠
陰橫。名木從誰假。幽居賴母成。君家多黑葉。火
急送雙莖。

華山飛翠

何處青天外。穹然起一丘。山名疑屬我。詩景盡

歸樓九夏雲長潤千岩翠欲流野夫好遊走衰
病只羅浮

對鶴

潦倒溪翁誰人疑鳥不疑閑將鶴起舞不作老
無奇任病還親酒雖慵不廢詩悠然清咲外一
枕到皇羲
吾晚病兼貧麻衣穩稱身朝來叅兩鶴花底作
三人日出東南雨鶯啼宇宙春三杯下衫袖拂
拭舊龍唇

題羅一峯贈馬龍道南卷

花發春來少愁添老去長高才想傾蓋昨夜語
連床天下羅公佛湖西馬子香離筵一杯酒歌
苦莫相忘

飲陂頭

入嶮花叢密遵陂石路高柴門過午飯村老對
春醪水白都如練風清不作刀自然五字句非
謝亦非陶

送梁國鎮

盖有藏器人我病元非果徘徊思遠道欲往悲
定跋梁生千里駒東西無不可飛轡入長安垂
楊春婀娜

吳村弔莊節婦墓

豹虎何由近風濤浩若無行人看墓榜英爽在
清都江暝雲長合原寒草不枯乾坤不朽事持
此報君夫

此里有此墓千年亦不磨世方逐蔡琰吾甚敬
曹娥淫盜死殊色良人及逝波江翻練裙帶激

烈有遺歌

懷古次韻王半山

三徑五株柳孤村獨板門先生正高卧衆鳥莫
交喧晉宋當時改乾坤此老存手中一把菊秋
色滿丘園

相逢踈柳下賓主兩忘言處士乃無履江州初
到門低頭入茅宇散髮對金樽長揖朱轡別狂
歌向小園

即事

龍溪一片水何處是真源
沉吟搔白首竚立向
黃昏宿鳥爭投樹
歸牛漸滿村
少年誰氏子歌
吹隔江繁

經故居

到溪田作圃環堵樹爲門
老憶先廬在貧知草
座溫三迂時已後二紀恨空存
舊事無人話斜
暉滿故園

容琴月生孫以詩來賀之

春意復西良孫枝茁更芳
自堪爲喜極誰肯笑

詩狂竹杖還渠撰金杯與客長
簪花垂白髮
暎綠衣香

贈何廷桂罷館歸

科頭行百里笠影落烟霞
四十親書卷尋常過
酒家兒童非講席鉛槧此歸槎
共待春芳發來看舊種花

贈謝德明有事赴廣還

畢嫁吾何有勞君作犬商
釵裙是荆布歲月勝
資粧月動江濤白山衰木葉黃
無錢入城府來

往但輕艤

月落五仙城。天空一雁鳴。離愁動江色。歸纜解

鍾聲。鷺應舡謳起。溪尋酒幔行。經過不買醉。貪

嗅早梅馨。

有傳羅一峯觀化

悲風何處起。散作斷腸聲。乘彼白雲去。湖西問

死生。四海方懸仰。一峯何可傾。平生不下泪。今

日盡沾纓。

問訊南川子。東莞林光也。金牛有是非。憂為妻子地

淚濕故人衣。歲晚流言惡。天涯信使稀。西風吹

落葉。故故傍愁飛。

四月

四月陰晴裏。山花落漸稀。雨聲寒月桂。日色暖

醲醲。病起初持酒。春歸尚掩扉。午風吹蛺蝶。低

趁乳禽飛。

生意日無涯。乾坤自不知。受風荷柄曲。擎雨栢

枝垂。靜坐觀群妙。聊行覓小詩。臨階愛新竹。抽

作碧參差。

風雨夜有數十客挂飯達旦不寐

老覺生涯少貧添食指繁雨中誰舉火夜半客
椎門室暗承塵濕階翻墜瓦喧平明不曾睡負
錘理花根

聞方伯彭公上薦剡

當時尊孔孟用世必詩書夫我何爲者先生非
過欵長歌扶晚醉短髮向秋踈坐惜籬前水垂
竿試釣魚

骨相嗟長貧岩棲累十春忽傳邦伯疏見笑北

山神伎倆只餘子行藏獨老親古來稱水鑑誰
是鑑中人

初秋夜

四時相代謝已度一日秋風吹露下葉月照水
邊樓堯舜今當御巢由竟媚幽山靈邀夢去昨
夜又羅浮

自我不出戶歲星今卜週丹砂求未遂綠髮去
難留時節來將晚山河值早秋西風捲雨去星
月滿池流

秋夢

山斗英魂在。江湖秋夢深。還將百年淚。滴破一
峯心。絮酒熏天地。金牛恨古今。龍泉不挂墓。吾
欲殉吾琴。

南海五千里。不來莊定山。何由到江北。此會非
人間。短短目相屬。悠悠心自閑。莫言但是夢。好
夢亦云慳。

夜來何所夢。洗耳白龍池。秋月下相照。天風高
自吹。未持一瓢水。細嚼萬年枝。山鬼向我拜。先

生是希夷。

答惠州鄭別駕惠葛布

惠我一疋葛。縫衣笑不奢。賦詩酬別駕。愛酒典
隣家。獨酌秋風裏。浩歌山月斜。醉魂不覺遠。卧
探惠陽花。

世澤

世澤由來遠。何年播廣東。吾廬依外海。分派自
南雄。家剩為裘業。山餘偃斧封。千秋文物類。并
與劫灰空。

世澤由來遠時當厄難中長鬚躬墮故赤腳話
兒童骨肉危相保于戈晚益窮存亡一絲髮端
爲謝蒼穹

世澤由來遠中更幾替隆市廛懷直道夷險信
陰功地接華山隱家嚴涑水翁百年還舊物報
事亦無窮

世澤由來遠誰興啓迪功今無天顏子古有聖
重瞳想像千年下淒涼百感中痴兒何足了徒
只愧家風

江門墟

十步一茅椽非村非市廛行人思店飯過鳥避
墟煙日漾紅雲島魚翻黃葉川誰爲問津者莫
上趁墟船

中秋期友賞月遣蒼頭致餽以詩迓之

籠鵝并榼酒食有一金携寂寂慙吾子依依向
隔溪開筵面華月出戶望青藜若負今宵醉何
不西山樓

即席賦

夕風夕微涼。池塘散月光。呼兒看酒具。待客飲
江鄉。月對歌筵。徙風拖舞袖。長人生行樂。耳歸
棹夜相將。

盆池栽蓮至秋始花

栽種已後時。花發秋將遲。雖無女伴采。亦有山
蜂知。葉稀因地力。香遠是天資。安得三閭手。臨
軒賦楚詞。

秋露開炎萼。非時不遣誇。盆中玉井水。溪上春
陵家。酒醒涼風發。詩成缺月斜。願爲若耶叟。種

水作生涯

開花恨不早。花落却生愁。白露能消物。紅蓮不
耐秋。頻來痴小女。對此泪長流。不識榮枯理。哀
樂空相仇。

此夕不能寐。此樂殊無典。下堂步明月。月印花
自長。涓涓花間露。夜滴池水香。但惜花月好。那
知風露傷。

圭峯閣

勝處不在遠。杪秋何處尋。步崖碧澗落。眠石青

白沙卷七
松陰地少滄溟入山高雁鷺沉此時閑佇望誰
識倚闌心

庚子元旦

風日佳元日乾坤自此春
蒸空雲氣濕照水柳
芽新笑語聊供客杯盤
少對人能寬垂老意
花鳥不無神

春興

野晴花簇白山暖樹更青
卯酒醉欲睡午風吹
又醒閑拈曲江句勝讀法華經
自在山窓下跏

趺趣已冥

晨起

群雀曉啾啾閉門春事幽
下床花到眼招手鶴
朝頭永日還書卷衰年但酒甌
醉來江柳下笑引子陵釣

早起

推枕起新晴披衣向小明
坐忘新病減夢少夙
心清軋軋開隣戶
藁藁殺縣吏跛奴呼具盥
旋起遶花行

春懷次韻陸放翁

江發溶溶綠山開面面青春風何氣力吹動絲
雲高時物歸春雨交游散曉星十年江海夢誰
道不曾醒

清明日往孔家山墓

舊隱經都會佳城入孔家春雲低拂馬山路曲
縈蛇只隔飄香處猶疑壞圃花九原無曉夜誰
管夕陽斜

春興追次后山韻

萬物各得性天開一歲春風柔翻弱羽波暖躍
織鱗穉柳初成趣芳芹亦賞新川雲將岳雨何
者不供人

雨坐

風雨坐前楹關關雙鳥鳴正當落花處更作送
春聲大化歸無極斯人樂久生不知川上水東
逝幾時停

吊陳毅卿墓

微風松下起落日照蜻蜓絮酒知吾輩春山憶

毅卿由來都大夢終寄一浮萍極目蒼岑外波
濤滿地生

蓬萊山祭伍光宇墓

道骨成仙蛻名山是閭丘雲中騎款段天上叫
鞦韆人世黃梁熟吾儕白髮秋仍留一杯酒何
處醉金牛

樹穴蘭

樹穴疑生理花開不記年靈根那藉土芳氣直
薰天瘦比食芝老清於辟穀仙平生誰得見雲

嶠但蒼然

大托千尋樹真堪托此生春風卷騷怨秋月照
琴聲南極峯連起東溟水一橫所棲非近地持
贈若爲情

家兄携乘常看山予病不能往

行色千崖裏風光三月中山家愁酒少造物愛
詩工好鳥簧爲韻新花錦作叢吾能騎瘦馬不
惜遠追從

題龜山小隱賀聶清碧新居

瀕海地三畝連雲厦數間龜山愛清碧清碧愛
龜山笠屐誰同往江湖我自閑芙蓉小溪水曾
此照衰顏

山下別業

豕脚有濡需乾坤胡適隨看雲因坐久抱瓮得
歸遲家累無多口生涯但一陂歸哉五湖樂吾
未羨鴟夷

弄孫

畫棟三重簷曠曠曉雀穿一兒卧我膝一兒坐

奴肩風日秋逾美詩書老未傳二雛當慰我心
賞獨悠然

戲贈都老

蔡坑黃野舟獨坐小園幽被命爲都老傾心向
縣侯萬家春且至一紀俗全偷莫倚無言化須
君九借籌

常夫人挽

兩山先生配
詔之妣也

人生如朝露死亦同蛻蟬有子能如詔夫人可
以仙春臺花灼灼秋浦月娟娟喚醒何州夢歸

來泪迸泉

次韻何宗濂

洒落儀曹句遺名得自求如何行不顧膠向漆
中投無事由來得多言大抵浮結趺樗木下即
此是良謀

至陳冕家

遠樹晴堪數孤雲暝欲遮自憐江海迹能到友
生家落日明江色輕風動麥花相看吾鬢白不
必問年華

金洲石

在江中

舟楫公餘日金洲不少留中流幾丈石明月五
湖秋目擊金山寺春來白鷺洲西風從此去幾
日到羅浮

吊李九淵

水竹更新主風花失故權夜臺無起日春草自
流年萬有終歸盡千秋不必傳倒巾此相對只
有玉臺山

古柳寄周京

西來何處水千里不平流入海魚龍喜懷山草
木愁雨邊明落日石角上孤舟寄語周京道勞
生不自由

德慶州舟中呈伍南山

江漲麻墟雨天低德慶城正當擊楫處空有結
跌情入夏尋雙井沿流到七星同行鄒道士勸
我學長生

德慶峽是年大水舟行不由故道

客路一千里羊腸百八盤時時行樹杪往往異

人間竹纜牽江暝絺衣不峽寒倚門應盡日誰
與報平安

東和尙石

舟楫行天上斜暉卷浪花迴流忽吞吐鳴櫓極
樞啞便可通星漢還堪著釣槎雲根僧一個疑
我不袈裟

西回南歸寄鄉舊

家在桃源裏龍溪是假名襦衫溪女窄木屐市
郎輕生酒鱖魚會邊鑪蜆子羹行窩堪處處只

少邵先生
居士舊茅齋蕭然倚玉臺獨尋寺裏去每到日
西回魚躍水萍破風推巖戶開小橋殘板在長
訝有人來

省事除煩惱端居養靜虛栽花終恨少飲酒不
留餘山徑兒吹笛村田婦把鋤殷勤謝問里勝
事莫相踈

碧草東西埭黃鸝遠近山岩春花氣足簷日鳥
聲閑文字虛堆几園林不設關一條煙際路朝

往暮來還
江邊逢野叟叉手問官名立雀黃牛近啣魚白
鷺腥西田餘故宅北崦多新塋駐馬斜陽外悽
然感廢興

山童呼犬出狂走信諸孫乳鴨爭嬉水寒牛不
出村墟煙浮竹杪田水到桑根隣叟忻相遇笑
談忘日曛
自愛愚公谷誰過野老家時依當戶竹閑數上
墻花鳥立溪槎靜牛爭崦路斜懷中嬌小女學

語解呼爺
紫水圍沙北黃雲古剎東樓吞滄海日幔卷玉
臺風物色求鍾鼎丹砂訪葛洪芙蓉闌十丈天
際白龍宮
出處有分付將非入所能君看飛鳥輦誰不顧
高騰放意三杯酒留情半夜燈常丹非俗吏靈
澈自高僧

沙渠風日美弄水愛群兒花落鷓鴣猶語春歸蝶
未知惜芳心未已高咏社公詞四序每如此獨

漫無乃癡

春興

野鳥飛窓靜春蘿補屋穿時時嚙花氣翳翳傍
林園山鳥日暮至長鳴芳樹煙喚醒陶令醉驚
覺華山眠

社西村

孤村比屋靜疎竹小塘幽何處還三徑如公也
一丘晚田行布狗春草散鞦韆汲澗誰家女金
櫻插滿頭

結茅依里社村以社西名客至惟談稼年衰不
入城隣鷄上樹宿水鶴傍人鳴向晚尋牛去前
岡笛又轟
君家里社西我家里社東平分社公雨不隔馬
牛風瓜地妻能種衣巾俗與同雲邊采芝逕高
蓋玉臺峯
社主對諸阡居廬散百煙共來鄉社會同樂
帝堯年折花潮沒屐吹笛月隨船偶尋社西去
又賦社西篇

社西逢酒伴埭北有花枝詎識愚公意聊同牧
豎嬉園碁松嶽久度馬板橋遲袖有歲蕤草還
家不告飢
朴築真何意施爲但自由鄉音還社阮家業且
陂頭野老眠看客山童坐飲牛無生知樂否更
爲問骷髏

寄馬默齋

山陰元有興畫舫在須登閑閣思君子開門見
老僧騎驢山路穩挂席海波騰揣度安危事如

公恐未能
倒載輕駢駕
徒行謝衆扶
無錢欺老杜
失策問
長鬚山雨
醲醲病林風
枳殼踈待君
君不至春
盡又何如

如題月坐
林深月到
遲愛月坐
成癡平生
不戚戚衰老
尤
嬉嬉曾西
單管仲孟子
述宣尼何事
由求輩區
區欲有爲

懷古

千里拜林宗
行歲未始同
諸賢皆好義
夫子獨
時中東漢
非劉氏西山
是閩風堂堂
四有歲載
籍爲誰空

讀西涯李學士撰趙真外滄江別墅記

江空秋月清
月出秋江明
水月自相得
乾坤誰
與爭作亭
趙真外屬記
李先生何時
理烟艇載
酒下南京

思親堂

父子自天性
誰能詠蓼莪
聲容想如在
風木悲

柰何草露滴秋壠庭烏號夜柯思親兩眼淚萬
古注江河

送鄭巡檢休官還莆

卑栖一枝足高舉入雲層大鵬非斥鷃斥鷃非
大鵬卑高各有適小大不相能歸去木蘭溪溪
魚美可留

懷古

皇皇復皇皇開闢到陶唐遲日江山麗春風花
草香閭閻盡孝弟簡冊無禎祥乾坤十二會已

午在中央

寄容一之

直以傭爲業何妨睡作魔吟詩終日少飲酒一
生多坐久頭鳴籟行遲脚有鵝林居三十載一
室小維摩

萬松草屋

南山愛夫子夫子愛南山孤鶴去千載萬松棲
半間無愁催白髮有藥駐朱顏夜半風雷作龍
來問大還

白沙卷七
畏途千百轉回首見諸山若個幽求子結茅松
樹間希夷崑華頂黃綺在商顏分我青精飯從
君亦不還

寄太虛上人

太虛石洞居孤絕少人依遠客携琴至逢師乞
食歸一蒲青草上四面白雲飛盡日無言說岩
花落滿衣

定山聊作主石洞更無隣勸我無多事如公是
一人朝聞履虎尾莫見批龍鱗莫笑楊朱小楊

朱觥愛身

九日寄丁明府

病裡登高意村邊社樹蒼有歡開酒禁無力控
詩狂老髮簪花醜秋襟水照涼如何丁明府不
肯共重陽

菊節後五日丁明府彥誠携酒來飲白沙

社賦補會

秋色上籬尖天高霜氣嚴對花無阿堵笑我似
陶潛節去杯盤在公來吏隱兼江門賦補會勝

話無窮年林盡五公來史國無以門煥蘇會都
此日還供酒人情蓋亦難暫隨明府醉斷送菊
花殘極浦明秋日臨流弄晚竿遙憐張閫幕相
憶在長安
百里非無地東籬不借人因君九日愛傾此一
杯春菊謝人間世官閒酒處身想無厭花意投
轄暮江濱

對菊

種菊不盈區揮金每顧餘古今閑計較俄頃失
歡娛西廩高堆粟東樓贖貯書路旁楊柳樹顛
顛不成踈

秋晚

皎皎月又缺鮮鮮菊可收汀雲迷島嶼山雨落
扶留市有屠牛杙江連邏吏舟恐無賒酒處垂
白對清秋

陳方伯耻庵挽詩

乾坤如此老沒齒向斯文公自滄浪水人無轂
鯨君衣冠全素履江海挹清芬病起須持酒青

山欲到墳金素舞玉舞對影茶麻跌與林西青
中年倦俯仰上疏乞山林黽勉南州牧遲回北
極心民蒙三日雨世病一鈞金殄瘁聲悲處龍
蛇歲直今

不置苦熱半林玉舞對影茶麻跌與林西青
揮汗書難繼清心雨未來手提弱絲去風撼社
門開指點封君句摩挲土棟苔松根吾欲卧返
照又相催

晚涼慰我渴秋暑著人煩拄杖緣溪足看潮到
柳根哦詩衰骨痛開卷病眸昏六月飛雲冷相
思只斷魂

晚步

水國秋先至江村晚更幽
泥筇收郭索山網落
鞦韆涼入社門樹陰連渡口舟獨憐經略地吾
得放歌遊
居常懶出戶肯到社西頭海國諸峯暝乾坤六
月秋微涼生浦樹返照下西樓今夕蒲團上前
山更卧遊

崔清獻公裔孫潛示遺芳卷復許示遺像
予既書紀夢之作於其還也贈之詩

積雨堦苔上經旬斷履痕誰為門外客公是菊
坡孫澤與流風遠名因避相尊丹青遺像在何
日照江門

太夫人晚歸携諸孫候於貞節橋下

寒花明隔塢暝色欲歸潮未愁山路黑莫放板
車搖耄耋供人事兒孫候此橋殷勤望四嶼風
急暮雲飄

延緣看落日伊軋到溪西丫路依岡轉垂蘿拂
盖低喜從中道見痴效小兒啼報賜心何極乾

坤 聖壽齊

枕上偶成

翰苑無官府蒲團了歲年岩雲交樹白水月印
沙圓懶甚陶元亮閑於魏仲先吾曹生分薄於
福敢求全

梅村詩次韻黎雪青

梅村梅發早已過賞花期玄酒初無味名家豈

在詩井寒人汲少川暝鳥飛早高枕滄溟者神
仙定不疑

次韻秋興感事錄寄東所

醉眠山影裡恨不與君同松下泉來冷鷄鳴日
過中就床梳白髮開戶納清風起視滄溟暮孤
鴻沒遠空

秋露落芙蓉河山日不同物情詩卷裡天道雨
聲中朝出馬愁坂暮行船逆風欲投雲谷隱鞭
鶴上層空

崑崙一池水色與銀河同問子爲誰氏從師向
此中短檠非世業破笠是家風回首唐虞際浮
雲點太空
首陽非立異柳下不妨同歲月黑甜外乾坤軟
飽中腐儒甘糲食烈士死長風今古誰能計賢
愚併一空

得林子逢書感平湖事賦此次前韻
平湖千里水浣濯與誰同咄咄諸魔裏冥冥六
夢中支離深歲月感慨極秋風點檢希顏處吾

瓢合屢空
同人未為朱子不善為同宦况浮雲外生涯大
驚中孤篙撐急水弱羽試衝風佛者空諸有吾
儒有亦空

與梁文冠

鉛槧誰分付
聞君有義方
紙田須樂藝
畫果豈堪嘗
得雨花蹊潤
隨風鳥韻長
公來詩不少
排日兩三章

與客

客訪貧家少
連旬奉作東
笙簧都萬籟
俎豆亦千峯
冠帶迎人懶
情懷傍酒濃
白頭君莫笑
醉袖舞春風

四月廿七日五鼓起索衣往來房戶門失
脚仆地傷面咎在不謹然亦衰年久病氣
弱無力之驗也為詩以自悼

脛骨衰無力
顛危剛莫支
少年非一蹶
今日獨多悲
形模甘老醜
面目對人疑
呼兒教滌血
不忍報慈闈

風捲芭蕉雨南窓夜擁衾人當懲樂正我已媿
曾參一一觀天命時時動此心林間子規鳥那
更助悲吟

寄張進士廷實

是詩難入俗正坐不雕鐫水涵魚爭躍花深蝶
喜穿日高雲卧處春在鳥啼邊不及陳無已能
無賞自然

秋中寄興同前感事韻錄遍東所兼呈雲

谷老隱一笑

山人無外事白首稚兒同弄水溪堂背爭棋紙
局中盆池秋見月竹院夜呼風觸事成唐句狂
歌向碧空

偕伍伯饒楊伯順甥舅順德李子長遊李

開平村山雨細林小獸春茶熟

遊走意何窮天樞日夜東青山都老脚破笠又
春風逕草分遙碧岩花墜小紅乾坤渾欲別何
處問壺公

晝睡偶成寄玉臺文定上人

老脚春還短，名山夢每登。玉臺天上寺，文定意
中僧。得法休成鉢，傳心信有燈。道人北窓下，一
枕一曹騰。
去春旧書事，昨日交東青。山嶽失相如，空文
開年今日雨，踈柳小塘春。紫燕將歸社，黃鸝欲
喚人。未明事南畝，選日聘西賓。元亮朝朝醉，江
村白酒新。

同中春日江村

時候花先覺，陰晴鳥自知。登山嫌避客，得句樂

呼兒蔓草披香徑，垂楊覆淺漪。美人期未至，江
月幾盈虧。

草帶籬腰綠，花簪石頂紅。林園開晝景，鶯鳥語
春風。山靄霏霏合，江流渺渺東。獨來橋畔路，高
柱過眉筇。
驛吏送酒

市榼通郵吏，三杯洗侍兒。十分春意思，一副酒
肝脾。江嶺長看盡，風花不盡詩。混然天地內，公
是醉鄉誰。

吳湖春日醉中言懷

山林亦朝市朝市亦山林兩鬢白於舊三杯狂
到今子雲休擬賦元亮已忘琴南山千丈石可
以明我心

古人不可見空見古人心春風開我錢流水到
誰琴無說可傳後何才敢議今玉臺花信少扶
杖更西林

與客談詩

風雅餘三百唐音僅幾家夢猶將影說癢莫隔
靴爬豈是安排得胡爲孟浪誇超然不到處應
是用心差

雨中李世卿往還

助談風滿席伴宿月流衾貧賤交游冷江山脚
跡深惠連何處夢孟母此時心稍歇松齋雨還
來辨綉針

得林憲副待用書有懷故友張兼素

蹇蹇張兼素從君致匪躬天來今日定書展故
人封賈傅生還慟湘纍死亦忠平生兩行泪萬

里寄秋風

寄容貫圭峯

西峯扶策上病骨快新涼乞米分僧飯聞香過
梵堂閉門秋竹靜語鳥暮鍾歲浩浩蒲團上還
同在醉鄉
落日荒臺上疎松古塔邊身休論出世趣欲到
無絃峯閣初生月渠通自到泉西菴憑借問許
住過殘年

江村晚望寄世卿圭峯

一望一延緣諸山進目前鄉邦無一老知舊半
重泉黃葉寺旁下白雲池上連無窮幽澗水日
夜注東川

贈黃進士廷章還京

錦衣在親旁飲酒日百觴樂處嫌春短離心向
夜長青雲冠蓋起黃甲姓名香五色持文綫千
年補舜裳

白雀群飛益高

取勢翩翩上江空暮雨餘情輕鳩並婦聲細雁

呼奴白雪洒孤嶂青天開一圖安能隨蚱蜢跳
躑在泥塗

舟中兼示道路所聞

潦倒年斯邁芳菲日自遲忽聞天上夢又落世
間疑扛鼎須憑力無才敢與知涪翁亦秋思謾
寄穎濱詩

重過大忠祠

宋有中流柱三人吾所欽青山遺此廟終

人心月到崖門白神遊海霧深興亡誰復道猿
鳥莫哀吟

春陰偶作寄定山

浩浩川流疾冥冥嶺樹陰共憐春錯莫更覺老
侵尋宿雨衰花氣朝陽絕鳥吟誰能盡天道俛
仰此懷深

次韻寄廷實

吾猶堪起倒吾肯謝親賓在世寧須此如公故
可人百年應得見一面始能親獨向湘江去無

忘越嶺春

無才傭作吏有酒喜留賓老更耽高卧時還近
俗人鍾鳴山寺遠月出土床親何處期吾子笙
歌玉洞春

築室

垂老無筋力寧非板築人居常只謾過即事始
知貧海國秋風早山房夜氣新癡兒解了事吾
坐養吾真

一室無多事貧家每作難從來無厚積况復不

能慳貸粟千知友營材入遠山三間開土閣聊
得奉慈顏

送景易赴秋試

未達窮通理難忘得失心安能謝朝市且莫厭
山林烹鼎須兼味吹竽當好音文章無定價敝
帚不論金

圖新書舍懷世鄉時別白沙半月

月上齋垣白踈梅共主賓偶來對月飲不見如
花人已覺書難至常疑夢與親海山猶在眼何

處却逢春書鎮至常疑夢與歸或山斷却與何
龍眼何年種嗟嗟舊主人卑柯今蔽日腐骨已
成塵春雨沾花足秋虫食實頻流形非木石髮
脚半搔銀鬢無和如半當汝音文章無安罰端
西風中夜起天地始肅清白雁霜前意玄蟬露
下聲幽人亦何事版築初經營何時登此閣坐
望羅浮征

題容氏輓冊

中秋悲蹟掃秋思忽依依此夜月還照何年鶴
始歸猿啼新宰木巷納舊蓑衣大塊終同爾誰
能駐落暉

梅花

山竹深深逕梅花淺淺塘清冷朝弄影芬馥夜
浮香瘦骨交撐月橫稍直過墻啄英終飽德靈
鳳或來翔

探梅非探梅梅花滿玉臺北風吹盡日踈雪點

荒苔色得乾坤正精成造化胎無人知老子剛
坐一牛來

何處尋梅好羅浮海上春樹環鐵橋盡地與葛
仙隣煉藥香生鼎拔崖影落身西湖千頃水未
洗往來塵

彼美枝頭雪微韜嶺上雲低迷明月寺掩暎葛
洪墳北海罇能倒西湖地索分幽香偷未得衫
袖細氤氳

手種梅千樹山寒半欲花歲闌知此意溪上問

誰家素豔明爭雪青蘿倒縮蛇還須邵康節來
駕白牛車

逐客

笛聲且莫哀逐客過江隈還到此邊去盡因何
事來著書多在篋遇酒輒啣杯莫言生意盡寒
雨濕枯亥

得張主事廷實書

千口雖無累三年不易更春雷轟令問枯木嚼
官情長夜鄉心切何時會計成登高望東海到

眼是蓬瀛

新涼欺老臂索被過殘更月到思君處書通在
客情有家寧免累作吏轉難成日踏皮鞋破思
量舊閨瀛

三口丘園舊離群跡半更幾時重見面中夜獨
馳情眠食今何似頭顱尚可成定山名教頂賀
老却登瀛

持燭圭峯寺宵談僕屢更一為方外友都沒世
間情面壁僧猶在栽蓮社未成孤舟破危浪載

月下東瀛

次韻寄潘時用

文章豪自寄丘壑靜還更久病依人世上貧慙

婦情辰婦岳氏嘗止辰赴秋試人為知己惜天與後生成更

約齊州外從吾泛大瀛

步韻久雨

樹隱雲深黑籬崩水亂流凌風快燕子上壁定
蝸牛老更憐兒病人多為草憂朝朝稽叔夜誰
辨不梳頭

不用韻寄姜進士仁夫

書愛八分小來書喻率更雲霄初接武江海尚
留情世事非難料人才怕小成諸賢須汲汲吾
老獨觀瀛

然齊用韻寄林緝熙平湖

秋懷耿不寐更靜復聞更水向漫漫注心含種
種情士應強到底官豈怠將成舊業羅浮外東
南望隔瀛

用韻效寒山

貧賤耻為拙富榮常好更高論古今事中懷名
利情堂堂無復見小小或能成浪說神仙在從
來不住瀛

四郊多竊盜村裏夜支更為語長官道能無患
盜情家家愁日暮處處望秋成飢飈飽倉粟苦
海變蓬瀛贈劉程鄉別
蕭菴今又別酒醒問圭峯秋色此溪樹暝煙何
處鍾功名悲夢蝶文字耻雕蟲故里荒墳在歸

來拜一峯悲夢難文字却與蟲蛇里
病疥用后山韻寫懷
癢極肌難忍爬深血有稜老親令就枕小婢問
留燈屋漏頻推瓦床搖屢束藤同袍誰問疾端
愧玉臺僧
呻吟不盡痛夕枕傍慈幃安得身長健朝朝見
絲衣無膚臂奄赤乍腫臂疑肥睡過西廊月寒
空淡不輝
缺月生殘夜微風引洞簫心關髮少白久老病

知消出戶行看月移飛釣落潮酒錢不挂杖著
處解奴腰

病枕愁更來籠燈對夜長千年無鮑叔一懶有
柴桑兒請栽瓜地妻評作麩方花時呼酒伴酪
酌出扶牆

贈黎蕭二生別

白髮孤燈坐青春二妙來若無天度量爭得聖
胚胎至樂終難說真知不著猜濛濛煙雨裏
思若爲裁

以恭野坐

團蓋青松午重裊綠草春野晴鶯得意花盛蝶
傷神斷靄生西塢殘潮下暝津竹根酣共卧不
覺蘇沾身

梅花

世傳詠梅句天下共稱竒花有無言妙人間都
未知正嗟同賞絕又過半開時安得邵康節爲
我問庖羲

風月交游淡江山几席閑夜深花睡去時有夢

來還引步尋香易無心弄影難乾坤留此妙何
處覓孤山

謝客

客舫初辭岸主翁仍在床十年今轉數一飯故
難償竹杪風生汗天邊雨送涼所思王叔度歲
晚得同嘗

漾漾湖侵岸蕭蕭風引旗問兒打鼓處是客發
船時鬻履時將暮迎門俗父衰祗應巢許輩掩
口笑人癡

寒雨中作

有期久不至旦旦問童奴
雨過荆扉濕風回樹
葉踈興移剡溪舫詩在灞橋驢
風韻今誰繼千
年勝事虛

喜梁文冠至

天數雨送京師思王
駐槩梅村夜風光勝早春
直知花是路不覺月
隨身草木皆知舊江湖多賤貧
短蓑來往數等
是最閑人

雨中栽竹

心被清虛引非關索竹看
檐前纔數箇淇上已
千竿微雨土初覆北風天正寒
昆丘有孤鳳何
處啄琅玕

楚雲臺呈世卿

山奠故國市
三杯拈鐵筵見月上
瑤臺初弄山石裂再轟仙
鶴來夜闌試靜聽曲罷仍遲回
何必揚州去前
村多美醅

不獨還幾處雲水且吾臺
雨脚風吹斷潮頭月
湧來野橋牽木度沙逕
逐牛回亦有采樵者故

歌行負醅
有月巖光瀨無金郭隗臺悠悠百年內又見
人來水檻秋逾好山雲暝欲回相逢各心醉一
語浹春醅
爽氣通秋服溪流靜晚臺高樓多自愜真賞復
誰來對月詩方妙看山夢始回市沽堪便醉况
乃是家醅

寄吳明府同世鄉遊玉臺
圭峯雨初霽策馬向松關流泉忽滿澗白雲長

在山棄置千般事來投半日閑上方禪榻靜坐
到暮鍾還

生日答吳明府獻臣
生日何人記南枝報長官酒香同客醉花少避
人看後甲惟元祀浮生又五寒凭軒一長嘯風
日滿江山
尋梅飲李鴻宅用服周韻
今晨風日佳策杖去尋梅獨樹山中老危枝石
上開時看殘臘盡人望早春來誰解忘情得神

功付此杯歟。願盡入聖。早春來。暗輸忘計。野軒
令員贈世卿別林去。晏新園。樹山中。去。去。林。云
客路經南岳。湘帆背岳開。江湖閑老夢。歲月是
君來相見。兒童喜別離。琴瑟哀惟應。楚雲外更
起望仙臺。耶。示。外。對。坐。又。正。寒。飲。神。一。是。龍。風
豈無千日酒。花下與君同。客思朝臨水。歸旗夜
引風。一槎當浦口。謂莊一枕在遼東。謂賀何事
今為別。藤蓑還贈公。世卿乞予
藤蓑贈之。
五山贈世卿遊山來林牛日關上之軒。林。清。溪。

萬丈崑崙頂。冥棲憶老閑。君看白龍水。何似黃
公山。有酒終日醉。無官到處閒。南風乃何意。又
送楚舟還。

朝來生紫氣。此地亦函關。帽頂花沾雨。雲中人
下山。相逢欲大笑。不語是真閑。晚向東亭醉。猶
能騎馬還。

青。世。卿。將。歸。信。舉。軒。長。林。東。有。道。戲。齋。岳。無
會有還鄉意。深慙不自量。毋留兒作伴。妻為客
求漿。臺榜明朝旭。松堂閉夜涼。延緣過殘夏。滿

意泛瀟湘
與君雲水別何夢得商量合是真調鼎能忘老
賣漿還山非早計舉棹是秋涼有路通衡岳無
詩弔楚湘

贈饒鑑

君又去東津東津月送人周游千里道細問有
年身野色淡將暝江桃疑是春丹青如可贈畫
我小昆崙
梅花

草木自有性湖山更乞靈冰霜仙骨瘦桃李世
情腥惹袖香金別和羹芋未青未須携鐵笛吹
月上湖亭

喜何竹窓重過白沙話舊贈之

此君爲別久不逐衆芳彫白葛身已老青雲郎
獨超春風吹細浪落日泛輕橈楚雲有高樹未
肯挂公瓢

憶年四十許公弟立如山行止相料理漁樵共
往還餘情空耿耿秋髮各斑斑不是公憐我清

顏誰更攀

聞林緝熙初歸自平湖寄之

短世淵明醉長愁子美謔高情誰復爾久別公
如何淡月初出浦好風來颺蓑買田滄海上耕
亦不須多

張地曹寄林縣博用韻答之

無心雲自在得意鳥同譌白骨可人醉杜詩古
人白骨

生青苔如何
不飲令心哀蒼生如命何漁樵真有道烟水別

傳蓑想見滄溟外東南月更多

安得李太白樽前同爾譌自從識象岡未始離

無何草長遊人路風鳴挂樹蓑東隣古大嫂揜

口笑何多

和子長民澤論詩寄興羅浮之作

飛雲千老夢拉作騁遙臨揮手謝人世聞歌生

我心今年春又過何處洞還深相憶山樓暮依

依向遠岑

再用韻示諸生

賢聖低回久千年想一臨希顏非樂道疑孟失

求心逸駕行應速寒泉汲務深嘗聞根本學不
盡泰山岑

贈李司訓別

江門雲水地不絕往來交已恨栽花晚寧辭抱
瓮澆月疑窓下枕風語樹頭瓢精舍明朝別何
時還見招

再次馮懷

孤形將影住一臂與誰交矯矯志欲競栖栖習
恐澆江山一得手風月盡歸瓢始覺逍遙外人

間未易招

代簡谷府尊林先生慶老母生日

有母年齡暮逢辰喜懼深多儀安敢却揣分故
難任錦段拈香拜仙醅洗觥斟獨慙非節孝未
了百年心

秋坐碧玉樓

造次中秋過商量九日來詩將秋景淡菊共老
人開時節陶潛醉江山宋玉哀平生滄海意不
受白鷗猜

山中猶遠志小草已人間近得東白先生書在山遠志出山小草故
及不是無經濟誰能斷往還江魚肥入饌霜橘
綠堆盤問我心何住紅藤拄杖端
碧玉架雲端朝朝倚玉看時情膏火裏世事奕
棋間古榻多便靜華簪不博閑籬根散髮醉又
對菊花斑

夢楊敷道定山事

夢語者為誰湖西舊見之聊寬野老意未了定
山疑貧病吾猶是多愁俗豈知百年將滿日心

亂不成詩

九日嘉會樓登高

引步下前除兒扶杖亦扶會於何處勝客有去
年無天道常流轉園林又變踈暫留賞今日醉
莫看茱萸

兼有吟詩病何妨著酒扶景逢佳處少句向覓
時無醉去乾坤小醒來伴侶踈今朝嘉會會不
盡看茱萸

半酣壺矢折又減兩三扶九日江門有千年栗

里無山形當晚瘦
脚跡向秋踈
問我登高去都
忘菊與萸

溪邊菊一區
溪竹兩相扶
草木從吾好
風霜殺此無
閑同九日醉
浩笑一生踈
試問干雲檜
何如小泚萸

楚雲臺觀民澤所栽菊
寄民澤用昨九日韻
時民澤還五羊未返
泚回夷韻寄泚
當軒玉朶孤
植竹翠莖扶
香細風初動
神清俗本無
寒深溪井涸
月出山瓢踈
何處異鄉客
永


懷歌茱萸

野菊吟寄子長再次

野菊生何處
遠著秋偶扶
孤標猶訝絕
佳色舊知無
老弄真戒獨
秋來不作踈
金樽誰九日
引

浦對茱萸
吳明府送菊次韻答之

黃菊有名花
淵明無酒官
酒多人自醉
花好月同看
老未厭人世
天教共歲寒
未應携不去
高步蓬萊山



原件短缺

P51

荅周潮州萬里

今代潮州守濂溪是
一門乾坤吾道在歲月此
心存行次天邊路書投海上村夕愁空竚望風
雨暗高原

汪巡按見訪

嶺南經畧地柱史不謀身料理安危事更張文
武臣風行光動草寒極正開春傾蓋江樓暮揮
杯勸故人

寄題小圓岡書屋和民澤韻

小小離人意羊裘却未工今人多白眼爲我謝
黃公弄釣浮沉見登庖撥刺空浩歌泉石裏况
有古人風

曉枕示湛雨壘白高

西風今夜吹

二千六百丈脚底是飛雲悠悠四十年欲往念
徒勤多謝紅藤子扶吾還數君鐵橋問何如見
景勝於閒
萬年如一瞬莫問我浮生風雨將秋至山河載
月明語簷幽鳥樂對竹小童清夜夜湘江夢與

君何日行幽鳥樂處竹小童青女夜來玉露與
萬年再和曉枕寄廷實坐風雨淋漓至山阿
仰見雙白鶴高飛入紫雲苟無脫俗意安用看
山勤好句能傳我幽期敢後君異時鐵橋詠莫
遣世人聞大湖水云飛雲渺渺四十平谷出金
萬往皆有復左車不復生西風今夜起朗月四
山明天馬非常步鐵橋相伴清去去莫復顧衡
山領上行
小小曉枕再和妻
壯未
今人
多
台
眼
為
此
情

平生老黃石引望空白雲無人知感激爲我盡
殷勤何處尋吾契名山訪道君洞天三十六步
步聲相聞

外生即非死胡爲樂久生去來大化內俗眼未
分明我壽元無極君才亦太清五峯南斗上何
日踏歌行

中秋

平樓時穩步身虛欲翩翩明日秋始半中天月
最圓武昌書未返督府句堪傳衡岳那能去羅

浮何處煙

廣莫天自然浮雲任飄翻隨時有憂樂與物無
方圓酒底月未咽水中神莫傳去年今夜艇吾
欲破湘煙

彭司寇挽詞

男子固多奇如公更不疑經綸思昔日功業問
當時鬼幸村巫小棋還國手知杜陵秋月下興
盡八哀詩

侃侃亦閭閻行違榜要津鳥還江上暝人老世

間春祿盡休言命愁多不爲親武夷最高處東
望一沾巾

斗氣空遺劍林燈不照琴春懷不自得老病忽
相尋事往浮雲夢山餘宿草心平生孺子意絮
酒一何深

題雲津書院泰和劉氏

雲津杳何許試向卷中尋不覩六經教空餘百
代心嵩陽思識面白鹿尚遺音家有鴛鴦譜何
須更問針

春日寫懷

水際尋芳去花枝隔水新
可憐今日望不是向
來人紫袖垂垂下黃鸝
樹樹春東風天外至南
岳夢中身
一觴復一曲不覺夕陽殘
好景我只醉春風人
未閑青紅今滿路風日未
登山何如海中鳥鼓
翅蓬萊間

贈周文都

君行無日矣奈此別離何
道遠書難寄年衰病

更多行行慎自愛浩浩不同波
若見東山丈微言共琢磨

贈黃希顏春試

北風雨如注是底別離時
黃色眉端動青雲足下馳
兒童酣世豢國士醒心期
去去江流疾還君一贈詩

詩罷懷白洲先生

山東無近耗白洲時為海上立斜暉
童子覓牛去漁翁罷釣歸
登舟人欲別周文都將行見月

鳥還飛何限相思意千峯獨掩扉

贈丁一桂

初日照其棠千門一炷香南風催返棹西望欲

沾裳有廟旌遺愛無金歸故鄉未知忠定者先

請問崇陽

奉寄筠巢翁

昔別筠巢叟如今是幾年華巔將望百碧玉屢

添年寥寥千古下望望五峯前何日扶溪棹還

來別老仙

鄧御史公輔寄新刻陳君舉論孟古義復

以是詩

兩漢非三代人才逐世伙市朝多畫虎文字笑

醜難古義昭昭對終篇短短題不因歐六一爭

得見昌黎

張綱

漢廷張御史何事便埋輪欲作千年計都忘一

個身堂堂見意氣默默愧經綸却恨程明道丹

青失馮真

青女吳節婦

江山逢此會真地作光輝路轉扶溪北山來越
嶺西春光流聖澤明月照霜帷碧玉遙相賀雲
中卧賦詩

汪海北訃至

西所今亡美皇穹宥不仁眼中還見此天下豈
無人海闊書頻至神交夢亦真人間秋半後四
首一沾巾

誠至通金石乾坤正惜君懷沙人不見脩古恨

空聞歿世能千載還山但一墳海山今夜月空
照水中雲

望望白洋水滔滔碧玉流白頭聞有是傾蓋忽
相投天柱峯常在神龍雲正浮悲歌掩圖畫淚
落不能收

英雄滿襟淚不灑兒女胸窮愁當盡夜浩歎起
秋風幾點星初落千峯日未紅高樓慵引望興
盡一宵中

示景易

長鯨千里鬣靈物一生竒化成端有日潛躍貴
因時感應天終定早暮命難期信知抱瓮是安
事桔槔為

題丁長官祠

千山多雨後百姓苦飢時老病無人問低回只
自知百感觀空盡扁舟適楚遲詩成遠莫寄分
付長官祠

漫筆

行年七十二七十一非漁樵真有分語默各

因時比恨四愁具方年伯玉衰未行元屬我天
命更由誰

題筠篔簹卷

手把筠篔簹卷口詠筠篔簹詩白頭心折處碧玉夢
醒時夢將人待遠心與此君期想見千林暮還
同一鶴棲

寄張梧州克脩

還家臣職盡攝守郡符新心同端溪水跡比峽
山雲朝野無交牘桐江有釣綸時無張刺史脚

板但空聞

贈黃化州歸莆田

有客來何處多年守化州
白雲秋自好碧玉夜
相接日月催人去行歲
悵此休武夷洗足罷回
首望羅浮

枕上偶憶舊游南海祠
因懷故友林棟

子覺饒英氣携書話此宮
清祠無厲鬼大水有
真龍過客窺諸葛論詩
病長公往來三十載美
惡併成空

祖星閣遊上游庄

上游何處是試唱上游歌
入澗花迷路出門雲
滿叢景勝開圖畫春香
醉綺羅靜對南岡頂月
明秋更多

次韻答鄭筠巢

飄飄八紘外遠意竟誰分
我抱三年病天生幾
樣人十年營一壙萬骨
掩孤墳休休莫復論局
促此乾坤

次韻遊上游黃雲山

繫艇黃雲下黃雲幾度歌登高雲壓帽度密雨
沾襄瀑澗宵鳴瑟山花晝擁羅野人携茗榼路
打鐵橋過

答容北溪見訪

曲徑黃雲外青山一路深卷為乘興地人間何
處尋白龍三畝水紫府萬回心錦囊挑不去千
峯暮色深

中秋撥悶用舊韻

踈星圍碧玉秋氣正平分共持今夕酒又減去

年人白髮來千丈青山忽數墳年光付流水萬
物信乾坤

晚有悲秋意秋來此夜分可憐清夜酌盡是白
頭人紫蓋終羈病朱陵願卜墳誰能天地外別
去覓乾坤

諱日

雖貧還講諱茲事俗之常時節難虛度杯盤祗
自傷五鼎終難具千秋敢易忘痴兒雖未了清
白求流芳

白來迎醫寄左明府

帆開春鳥起
篙響曉鴉連
日出千江水
風連一路煙
病苦魔難敵
情真事可憐
平生左明府
應惠濟生丸

贈陸醫士左明府遣來

山雨睡初醒
門前報陸生
手持王氏藥
重是長官情
分付一杯茗
剛勞幾日程
小詩何足謝
聊以著佳名

寄東所

病久惟聽命
詩成不浪傳
門前花十丈
玉井正開蓮
數椽剛到地
一棟正橫天
不亡吾道在
萬萬歲相連

春日偶成

菊殘猶可對
人老不須嗟
水閣風低柳
山籬雀啅花
千門盡桃李
十畝未桑麻
大禹須治水
顏回却卧家

競長家家柳
齊開陣陣花
春添新富貴
人老舊煙霞
欹枕黃鸝近
開窓白鳥斜
草玄無意緒
呼

酒對侯巴

病中詠梅

去歲誇身健尋梅到幾山
酒傾崖影盡衣染露
香還北斗今何向南枝
半已殘下堂兒女笑老
脚正踟躕
孤山一片雪千古獨稱奇
此外不能到人間都
未知正嗟同賞絕又過
半閑時回首西巖下南
枝映北枝
人生如逝水花發見南枝
對影身猶隔聞香席

不移延緣看月久勃窣下堦遲
坐恐芳時暮扶
衰了一詩

何處梅梢月流光到枕屏
江山都太極花草亦
平生閣冷香難即窓晴影似橫
凍崖妨足蹇藜
杖意高撐

隱几日初下東巖與復饒
月高寒自照花近夜
相撩濁酒頻堪寫清絃
豈易調羅浮在何處竟
夢與逍遙

水陸花何限梅花太絕塵
如何開眼處不見賞

花人北塢風微動南梢月自真老夫前席坐得意不無神

山閣數株梅山翁手自栽有花娛我老無計避人開色映書帷淨香尋墨沼來庶幾吾服汝不作委蒿萊

風月江山外乾坤草木間卷簾踈影動柱頰暗香還約伴多爲地吟詩別作壇終南雖白閣不侍小廬山

何處花堪憶江門水背過滿身都著月一片未

隨波高倚松爲蓋清連竹作窩白鷗啣不去飛入釣魚蓑

借如桃有實老朔不來偷山近重重見不無淺淺休路窺來米斷香被白雲留寄語林和靖江門是一丘

喜康沛至

五言六句

三年念遊侶奄至廬岡曲現腕枝上鶯相呼入幽谷平生真淡意至老方耻獨

七言律詩

與友約遊仙井

仙井會容雙眼到病軀須著一筇扶春風有客
來相問何日扁舟進所如世道難交終索寞幽
居擬卜只虛無憑君寄語山靈道欲傍啼猿借
一區

馬貞卜築圃中與容貫同處

何處有花堪結椽溪邊園裏樹相連一齋一榻
同燈火江水江花自歲年元亮高棲須避俗巖
青異骨合成仙東風兩岸黃鸝語我亦中流坐

我船

自斗岡還至汾水江值暮

歸舟欲背南風發別琰初開落日斜社曲寄聲

憑驥子

是日景易
有信促歸

武陵回首惜桃花東望

經旬日揮翰留詩到幾家滿眼却愁歸路黑時

從野老問江又

弔崖

天王舟楫浮南海大將旌旗仆北風義重君臣
終死節時來胡虜亦成功身為左衽皆劉豫志

復中原有謝公人衆勝天非一日西湖雲掩鄂
王宮

子陵

誰將此筆點行箴真有乾坤日月光三尺羊裘
幾銖兩千秋龍袞共低昂客星天上何須急老
脚人間不浪長留得先生在台輔不知東漢可

陶唐

讀張曲江撰徐聘君墓碣

杜陵煙艇曾來否相國銘章今在亡千古我能

生感激一碑誰可借輝光江波自映蒲輪返原
草還沾絮酒香事異鑿坏終遠去鴻冥天闊道
之常

桓靈而下使人悲却憶陳蕃在郡時何處公車
還欲召平生此榻竟奚禪事機成敗我當筭天
命去留人得知萬古江山一回首風清月朗聘

君祠

知心未問陳蕃輩欲起先生在帝桓自古山林
輕祿位至今朋黨惜衣冠尋常笑語諸公撫七

十支離一老看誰道開元張相國重磨碑碣寫
心肝未聞何處有一木能支大厦顛栖栖徒只喻當年身垂白髮
西山裏光射青牛北斗邊信史只今文獻碣清
風何日豫章傳狂歌亂耳不足獻依舊生芻置
墓前

西南驛晚望

曉來花雨濕詩囊晚上郵亭望大荒南盡海旁
諸郡淺西來天上一江長漁歌落日還孤艇樹

隔啼鶯背短牆料理憑高非一事樽前誰與共
平章

秋江漫興

能傾瓦觥深深酒不盡秋江短短篇閑弄孤舟
移白日明開兩眼看青天鷗遷遠渚眠何處雲
颭高風落此川野老隔波頻問訊可能無意向
神仙

送羅養明還江右怯鷺登千尺向會稽問
長寄湖西夢裡身扁舟春早忽相尋乾坤自古

悲難合伯仲而今契亦深草色正催公子醉花
枝不稱老年心何須袖却鴛鴦手更向滄溟問
我針

懶作人間賣卜仙紅蕖浪裡枕書眠詩篇到老
絕求世酒錢逢春不愛錢鷗鷺一群清似雪江
湖諸子遠如天扁舟忽報金牛信也得江花對
惠連

平章村中即事

山風處處聞松花江市日日来魚蝦高田

走獵犬灌木幾株叢老鴉正逢元宵市燈好亦
有雜劇村鼓搗野老西疇急春事長揖縣官歸
縣衙

峯前曉枕過金洲戲作

行人拍手笑天公十月江湖未朔風旭日上天
纔半赤晴霞照水忽殷紅注目九江來艇急回
頭三老著篙慵何須却是蒼梧道不道天公也
笑儂

去主清明前三日有懷亡友伍光宗無子無孫

先生英骨壅蓬萊幽思憑高不易裁荒歲無窮
春易老清明將近雨還來皇天自失包胥定泉
壤誰與伯道哀尋樂齋前數株樹月明空有鶴
飛回衣冠豈與水公無珠玉自武衣來無念四
谷入禱雨呈縣主丁彥誠賦未醉風賦日出天
峯頂為壇五土升皇穹端合享精誠雨聲先到
玉臺寺雲氣初蒸綠護屏野老分錢須一虎病
夫獻茗走諸生年豐我欲招神貺絕壁高鑄冷
尹名大節木焚林蕭蕭歸主豈不宵市邀我衣

奉陪趙提學崖山慈元殿弔古

信國諸臣近有碑一陵瀕海尚堪疑荒山野水
無人到落日輕風送我旗天地幾回人變鬼風
波萬里母將兒萋萋芳草慈元下邂逅漁樵問
舊時

李德孚輓歌詞董良良賦南碑入閣

此翁白髮已垂肩猶借滄波十載眠德孚已丑

師歸不復出至一舸載書同載酒幾家留藥更

留錢山陽笛奏西樵月西樵南海山各余曩與

山感舊詩 薤露歌傳大石篇 大石即德乎 誰道

人生只如此兩行衰泪落江煙 所居村名

別時已動東游興別後還深永訣悲夫子春秋

能六十故人涕泪不童兒身如南郭人間老家

有文溪地下師修短未知人喜戚天涯孤影日

淒其 里長科吳 草落天不無 或無 問

題莊定山詩集 天此 回入變風

春風一曲有霓裳不落人間小錦囊今代名家

誰李柱先生高枕自羲皇乾坤兀兀中流柱風

月恢恢太雅堂莫道白沙無眼孔濯纓千頃破

滄浪 船自雲 留人否那

焚香浴日亭次東坡韻 下無人 詩 下 莫 下 關 下

殘月無光水拍天漁舟數點落前灣赤騰空洞

昨宵日翠展蒼茫何處山顧影未須悲鶴髮負

暄可以獻龍顏誰能手抱陽和去散入千崖萬

壑間 笑不負 滄波 老子心 鈞 石 雲 氣 接 橋

來風扶胥口書事借浴日亭韻 下興 請 平 坐 水

早春約我扶胥口今日進舟黃木灣使君已去

漫留諾水國獨吟空見山老向煙波真得地晚
來風日更開顏明朝去覓南川子與話平生水

石間

宿攬山書屋
一片荷衣也蓋身閉窓眠者乃何人江山雨裏
同歌嘯今古人間幾屈伸長與白雲爲洞主自
栽香樹作齋隣山中甲子無人記一度花開一
度春

月別攬山

羅浮山色眼中來老子心情不易裁高浪不驚
南海舶白雲聊共攬山杯未知竹徑留人否那
問天公著雨催主人更道秋來好收拾黃花待
我回

餘興

何處秋聲入短琴江邊蕭瑟起楓林空歌白雪
兒童笑不負滄波老子心釣石摩挲雲氣暖睡
沙展轉月痕深眼中昏嫁隨時了只有床頭鬢
大金

陳冕來遊白沙至仰船江遇石尤風舟覆
中流幾覆程夫子何況白沙門下人賢輩何曾
負天道老夫正自恠江神仁義幾回驚闊論利
名何處不通津祇應歸拜庭闈日棄置艱難不
肯陳

羅一峯輓詞

今我何敢私一峯百年公論在兒童要知此老
如君實更恐前身是孔融青天白日人千古五
典三綱疏一通天下何常乏知己我言剛與定

山同

狀元文史少微星翰苑爲官謾兩京既有光華
爭日月那無描畫在丹青表章細事憑諸老悵
望高風激後生千秋欲與蘇徐並湖水中興更
一亭

芙蓉城下白驪還更見一峯何處山晚覺神仙
真妄誕肯留精爽一追攀高才轉盼交游內元
氣驚心宇宙間此日迸空爲誰泣哀齡何意向
人寰

入家杜阮看山容貫卜居之地

曾於海上看羅浮魂爽高飛未得收一片好山
還入眼兩巡瘦馬更回頭青浮竹杪岡連峙紅
浸花枝水曲流君若卜居須卜此澗邊黃髮是
巢由

數家種竹已成林共有平生卜築心草木總偷
春色早雲霞偏傍晚山深鶯聲早赴山靈約松
蓋先分地主陰欲置一菴三級土結趺高榻對
南岑

代簡峇伍郡主爲莆田林侍御求草書

閉門一病九十日小草大草生荒蕪山癯須愛
老狂客府主正逢賢大夫藥裹君臣眠處有墨
池風雨坐來無秃管已馳林侍御如今雪籬不
還蕭

東亭奉別憲副陶公

父老連村擁畫航東亭西日引杯長舊是宰官
今憲副後來新會古桐鄉指揮戎馬能千里表
裡山河捍一方太史但收能吏傳昇平不必問

耕桑

今言
論見寄代簡奉荅
蔣宗誼以厥考樵林摘稿及其所著續宋

江右詩書不乏賢君家父子盡堪傳樵林一摘
幾千首宋論直窺三百年西漢文章遷史後東
吳風月定山前乾坤隻眼知誰在不是楊雄不
好玄

寄景星海上

姤花暝雨迷千里隔水殘紅度幾車夢破三更

子規鳥香來一樹木犀花病夫老去頭如鶴稚
子春來髮似鴉海曲傳詩意無盡更期何處問
丹砂

次韻都憲朱公歸興

當日頭顱也未然相逢休問買山錢
陶潛酒煙水將歸范蠡船嶺表他年須領畧桂
陽秋月憶高眠大臣去就嫌疑絕還似嘉謨贊
九天

命孫田

新開斧鹵走通川
賸種烏糝益稅錢
士不居官終愛國
孫當從祖是名田
幸生天下承平日
屢見人間大有年
從此不須憂俯仰
茹齋何暖抱孫眠

辛丑元旦戲筆

酒杯不與年顏老
詩思還隨物候新
分外不加毫末事
意中長滿十分春
栖栖竹几眠看客
處桃符寫似人
除却東風花鳥句
更將何事答洪鈞

與謝胖

柳市南頭望客舟
青山無語水東流
江花白盡黃鸝晚
風雨偏催白髮秋
宇宙萬年開老眼
肝腸一縷入春愁
明朝日出波濤暖
依舊忘機對海鷗

重贈張詡

風雨何人來款扉
滄江烟艇疾於飛
正將白首憐傾蓋
不管春泥得上衣
詩句與君爭出手
酒杯我自忘機傷
心萬里滄溟水
又逐長風破

浪歸

醪醖將開值雨

相看無語只沉吟
蓓蕾枝頭已簇金山雨不來
昏晝景東君容有妬
春心較量花品終何益
茫茫昧天機亦自深
明日陰晴還未定
一尊何急對花斟

荅梅繡衣見訪

一春煙雨暗荆扉
繫馬憐君共落暉
酒殘香風吹月桂
硯池清露滴醪醖
水中郭索嗔皆是屋

上慈烏愛亦非
天道不移人自異
紅塵飛上釣魚磯

陳庸被盜張詡有詩唁之因次其韻

三尺龍泉八尺身
書生膽氣欲驚人
亦遣偷兒知我輩
還將直道是斯民
風連蜀鬼東方曉
雨洗茶蘼昨夜春
白舫望君心若渴
清川照我髮如銀

曉枕

天時人事莽何窮
睡破山窓正惱公
幾點木犀

三月雨一聲蜀鬼五更風青春有限年年老白
髮無私個個同莫共老人論甲子問閻稚子亦
成翁

詠鶴

孤山赤壁兩茫茫疎柳江邊一草堂塵世事多
黃髮老仙禽真對縞衣卽風回蕙帳聲猶裊月
落芝田影漸長却怕茶煙生一縷等閑飛去碧
沙旁

憶鶴

孤山有月好西湖只問湖中鶴在無頸閣瘦軀
三尺半聲搖殘夢四更初青田別去何由見赤
壁飛來不受呼寂寞小齋誰是伴賽蘭香裊舊
團蒲

謝惠壺

江上花邊到一壺春風日日要人扶數篇栗里
乃何趣五斗高陽非酒徒春事無多花去眼老
形已具雪添鬚醉鄉著我扶溪老白壁黃金惠
不如

不文題閑叟

前村煙火熟朝炊正是先生睡足時身帶江山
人在畫目窮今古世爭棋花邊擊鼓諸孫戲竹
下扶筇一鶴隨應笑書生閑未得白頭憂世欲
何爲

游心樓爲丁縣尹作

城外青山樓外城城頭山勢與樓平坐來白日
心能靜看到浮雲世亦輕高閣祗宜封斷簡半
年方許讀西銘乾坤一點龍門意分付當年尹

彥明

次在定山清江雜興韻

家學華山一覺眠圖書亦在枕頭邊傍花隨柳
我尋句剩水殘山天賜年竹徑旁通沽酒市桃
花亂點釣魚船平生我愛孫思邈自古高人方
又圓

中秋夜示江右李劉二生

勝會古來非獨今兩生尊酒喜同斟且看溟海
中秋月莫動匡廬半夜心天道端須憐主客浮

白沙卷七
七七
雲不敢弄晴陰
堯夫獨愛梧桐上
萬籟無聲意自深

辭修縣志

噓嗟文獻荒涼久
著述圖經長老宜
令尹高才應處分
病夫何者敢聞知
嘗聞司馬開班范
直似家翁詔小兒
史體所關無大小
千秋麟筆寄宣尼

寄李九淵

黃花開盡不持醪
更對黃花讀楚騷
江閣影流西日轉
海鴻聲引北風高
大寒天地猶堪出
岳老筋骸總厭勞
嗟我與君同甲子
鏡中誰讓長霜毛

次韻梅侍御贈別

朱絃一弄白雲深
幽水何人共賞音
老去布裘偏愛日
春來花樹不宜陰
雨端始復雖天道
一體乾坤是此心
扶病寒江遠相送
古椰葉脫北風吟

贈同遊馬玄真伍伯饒甥舊同岑師風

江流東與海潮通江去潮來今古同岩洞風光
詩卷裏天涯歲月釣船中老甥動止常隨舅小
友心情愛傍公更約鐵橋窺險絕筆牀琴匣未
須封

立春日呈丁縣尹

浮生五十五回逢青帝來朝駕自東草色向江
先自綠桃花臨路爲誰紅高堂滿獻曾孫酒小
邑初移令尹風身着斑衣啼又笑老萊真個是
兒童

元夕

欲將斗柄作垂鈎高掛銀蟾照九州
皇帝萬年臨宇宙群黎無處不歌謳
兩間和氣氤氳合五色卿雲爛熳浮
一曲昇平人盡樂老夫林下更何求

賀冠者

都老門前十丈松采帷高映日曛曛賓迎一徑
桃花裡春在三加酒琖中禮式未忘洪武化絃
歌還動子游風主人不用投壺勸醉倒江門老

石翁

寄高知縣

不疑河岳上星辰何處勾連得此身天子未旌
強項令督郵多見折腰人青天白日孤城曉碧
柳黃鸝萬井春澗底菖蒲真未有堪君服食更
通神

次韻伯饒見示養內之作

小結菴居不化緣牽蘿架石兩三椽一函玉笈
飛霞裡半枕華胥語鳥邊東老豈知丹是酒今

人多以管窺天市中買得參同契萬遍千週然
未然

次韻答伯饒見拉出釣

好共溪山結晚緣竹枝深夜響漁掾風清月朗
滄溟外魚躍鳶飛枕几邊茶竈煙銷四野艇竹
竿霜冷釣秋天少年孟浪東西走衰病于今耻
復然

苦熱

尋常衣汗濕青荷爭奈連朝溽暑何四象陰陽

分老少十年天地幾中和水枯瓦沼蛙將徒日
灸山枝鳥不歌一事傷廉非得已竹林冰簾受
風多

寄林虛窓

蒼梧酒興未消磨又向江門鼓枻歌鳥見畫來
高畫品我疑詩巧是詩魔輞川樹石愁摩詰語
可精神動老坡開眼也知真有益後來歲月悔
無多

晝睡

林木蒼蒼鳥哺雛江亭春與睡相宜風花已遣
新年醉氣候還增病叟癡塵世悲懽忘處了浮
生日月夢中移晨炊未熟無人喚正是飛雲曳
杖時

對酒

竹杪風輕瓦雀哀葛巾蕭散步堦苔放懷自對
溪花笑好事誰撐酒舫來白髮驚看今日老青
春剛到隔年回狂心被酒如飛鶴又逐紅雲上
玉臺

二仲爲僂蔣詡家蕭然鶴髮映烏紗春來歌唱
惟消酒老去園林尚種花蚤卜居廬依木石不
論日月住煙霞小齋半夜忘眠處三尺盆池一
口蛙

南歸途中先寄諸鄉友

我家久住龍溪上說著龍溪便有情荔子不將
梨鬪美沙螺休與蟹爭衡江村婦女蕉衫窄市
巷兒郎木屐輕漫興詩多誰和我樽前忙殺馬
先生

不分賓主共林塘脫下朝衫作道裝酒爲老夫
開瓮盞茗和春露摘旗鎗津頭水滿鴛鴦下墻
背風來枳殼香何處與君拚坐久萬株花裡小
藜床

與謝祐

易生忽與謝生來小雨初晴到玉臺笑我十年
皋席在爲君今日華門開古來委吏非忘魯世
外高人亦姓回滿眼示人人不識更從何處話
根荄

縣主丁侯約遊圭峯齋次以病不果賦此
笈輿欲出更夷猶病入西風汗未收書閣水雲
聊自晚玉臺霜月爲誰秋主翁愛客杯盤大小
吏鳴鞭道路愁我有平生筋力在不尋齋次碧
峯顛

懷古

五斗之粟可以生折腰殆非賢所能即生斯世
須妨俗莫道前身不是僧廬阜社中期滾滾潯
陽菊畔醉騰騰南山歌罷悠然句誰續先生五

字燈

茶藤花開有懷同賞

看花何處發孤吟墻角茶藤又破金紫豔照人
今日態香風吹夢隔年心多情酒伴何來晚得
意遊蜂入每深病起南窓坐終日獨憐涓滴未
成斟

次韻林先生潮連館中見寄

烟村渺渺樹成行社屋三間是講堂竹葉林中
堪送老菊花籬下又逢霜膳夫問煮魴魚美田

舍邀嘗早稻香入社撚鬚誰最數共尋佳句答
年光

祖母年高令伯歸白雲丹陛共霑衣小臣去國
身多病 聖主留心日萬幾一飯未能忘補報
百年終是懶依違白頭恐負垂髫志記得城西
就館時

夜坐因誦康節詩偶成

窓竹蕭蕭正晚風溪星耿耿又秋虫一瓢豈肯
方顏子千首將無有邵雍恨月嘯花都大雅鳶

飛魚躍一中庸無人不羨黃陳輩高步騷壇角
兩雄

家兄往東向村收蚤稻登舟後雷雨大作
章侍坐貞節堂至夜分以為憂是年甲辰
家兄六十一未嘗有如意之求

花甲人間亦易回吾兄懷抱幾時開雲師暫引
秋帆去風伯還將暮雨來社酒香消荷葉冷楚
歌聲起竹枝哀天公遺我多愁事貞節堂邊炒
夜雷

白沙卷七
八四
分雷丁縣尹惠米時朝覲初歸

病叟山中觀物坐長官
天上帶春回琴堂未必
淹三考村醕猶堪共
一杯彩翼雲霄看得意
白頭供奉愧非才
如今單父無裨補
分俸何須到
草萊

次韻張侍御見寄

吐月山前坐四更
一涼何不獻先生
鷦鷯翅短那能去
駿馬蹄輕只欲行
見舞綠蓑知我醉
聽吟素練是君清
許尋舊雨江門下
秋晚不來空

寄聲

赤松黃石皆留侯
回首丹丘是故丘
明月波明休擊楫
白蘋洲上有眠鷗
誰家風雨花無恙
萬古江河水自流
百尺樓中朝引望
望中去馬更來牛

聞張廷實謝病歸寄之

老夫衰病託滄溟
不道滄溟亦有爭
正是黑頭堪入仕
初登黃甲最知名
君當出我一頭地
我更期君萬里程
聞說朱明丹已熟
扁舟同作訪

醫行

偶憶夢中長髯道士用一囊貯羅浮山遺

朱夫子戲作示范規

飛雲萬丈來冥冥囊括誰將隻手擎南極
回頭一閣老鐵橋有路中天行山通碧落
神明衛地有丹砂草木靈若個長髯應識我
古來真隱不知名

九節之筇手持持兩年衰病負幽期香爐瀑布
還匡阜碧水丹山自武夷雞犬幾時同馭氣雲

霄無日不支頤可憐一覺羅浮夢不記長髯道
士誰共

羅浮道士說軒轅千古高風尚可規枕上昨宵

驚短夢人間何處覓長髯誰能愛酒過東老我

欲凌虛問海蟾四百亂峯南斗下是誰囊括到

茅簷

不養夜坐

半屬虛空半屬身網縕一氣似初春仙家亦有
調元手屈子寧非具眼人莫遣塵埃封面目試

看金石貫精神些兒欲問天根處亥子中間得
最真靈空半島長臨臨一處心休亦亦亦
不著絲毫也可憐何須息息數周天禪家更說
除生滅黃老惟知養自然肯與蜉蝣同幻化祇
應龜鶴羨長年吾儒自有中和在誰會求之未
發前
次韻張廷實謝病後約遊羅浮見寄
滄波共擬一桴浮欲斫扶桑作釣舟箕穎舊知
堯舜大留侯初伴赤松遊空中鶴爪挈雲上橋

下泉聲洗鐵流却憶平湖林縣博僊山從我竟
何由

胸中千頃著南溟何物岑蹄奔愛爭但得百千
同買醉不曾三十便收名鶯花衮衮新搜句烟
水恣恣舊路程莫倚芙蓉欺老病手扶青玉並
君行與謝胖
風波來往十年身舊事淒涼不可陳當道豈非
鈎距手青山不問打眠人酒醒旅館城南月夢
破筇杖海角春何日定携妻子去水田稼好最

娛親 夢崔清猷坐床上李忠簡坐床下野服搭

不來 颯而予參其間 清猷堂堂四百春夢中眉宇識天人報君西蜀

青油幕老我東籬白葛巾萬里歸心長短賦九

天辭表十三陳南風欲理增江棹也借青山下

墓隣

何由公在蜀中嘗賦水調歌頭一篇其詞曰萬

里雲間成立馬劍門關亂山極目無際西

湖南北是長安人苦百年塗炭鬼泣三邊鋒鏑

天道久應還手寫留屯奏炯炯寸心丹對

青燈搔白髮漏聲殘老來勲業未就妨却

一身閑蒲澗清泉白石梅嶺綠陰青子恠

我舊盟寒烽火平安夜歸夢到家山夢中

對菊坡論舉此詞故中聯及之

宋史記中堪列傳菊坡門下豈無人彈文驚世

頻登閣散髮從師懶著巾嶺海一星元屬李古

今金華揔歸陳山齋夢破公何在夜半歌聲徹

四隣幸對觀刺山齋夢如公何耳交半海壺

賦登館廷實進士於白沙社率爾成章無呈可

宋史明府

壇有青松埭有花煙籠寒水月籠沙人間何處

堪棲鳳歲次今年正屬蛇樹杪看山橫半面水

邊尋路入三义高軒若肯終年住應沒閑愁上

鬢華

廷實偕予明府遊圭峯雨中奉寄

脚頭到處是天台多少風光在草萊花縣偶携

明府去玉臺還少道人來清流赴海無千里白

骨封苔有幾堆對雨一樽須強飲為君呼起鼻

中雷

次韻鄉人送酒

四時功德正恢台仲蔚門前十畝美恨我未能

終日醉夫君又送一尊來江山雨過聊供眼書

卷年深謾作堆午枕南風吹不醒可能破柱作

驚雷

廷實歸贈以瑞香之花次韻留別

是誰溪裡放船來
溪月隨身釣臺衰骨可供
連日語後生真有不羈才
笑呼白鳥同詩社旋
掬清流當酒杯欲贈夫君何
所有盡闌新帶瑞香回

次韻丘太守見寄兼懷賀克恭黃門

綠水青山置我曹
江西遼左一神交
短籬霜菊誰供酒
破屋秋風自補茆
勲業都歸窓下枕
行藏更問易中爻
痴兒多病慈親老
不向清時嘆繫匏

西良容君携孫來訪

不見夫君心緒亂
忽過茅宇鬢毛斑
稚孫看弄窓前筆
舫子忘歸月下灣
衰病欲尋西華枕
舊遊半落北邙山
洛陽詩酒耆英社
分付江門主客間

次韻定山先生種樹會真閣寄謝

東崦芳菲已碧桃
更移紅杏占西坳
每逢好雨扶筇看
不要先生抱甕澆
與一野僧吟懋石
無諸俗事坐持醪
不將物我來分別
觀化于今是

幾遭

橋下泉流十丈窪橋頭草屋萬株花關關終日
鳥鳴樹歲歲春風人在家何處三杯歌浦口夜
來一夢在天涯尊前不見滄溟闊浩浩還君一

笑誇

花時風日美新晴北游南垞迤邐行春色酣酣
薰我醉年光袞袞嘆人生竹林背水題將遍石
筍穿沙坐欲平客問定山何所有滿山紅紫數
聲鶯

題畫王太姥像壽家慈八十一

三元甲子不須論帝遣長生住此村花水前頭
瞻太姥雲霞裏面拜曾孫一天星彩分南極千
歲桃花發舊根議儼人間都未是壺中自有一
乾坤

至日病初起

至日哦詩起坐床梅花墻角爲誰香暖臍一盞
金櫻酒降氣連朝附子湯旋整巾裳還客拜未
堪歌舞趁孫狂赤藤杖點廬岡石向晚猶須望

八荒
兩度書雲傍玉臺不才知牽乞息回梅花果解
撩詩思弓影何須落酒杯四大形骸從老去一
年風日想春來眼前不獨南枝蚤未臙江桃也
爛開

睡足龍溪舊草堂晨開東牖望扶桑四方雲物
書同日半夜梅梢度一陽行不媿人貧亦樂樂
能除老瘦何妨春來試約張東所何處投竿弄
渺茫

山人家世本陳搏供奉何堪晚得官救水可寬
垂老意江山不比向來看教兒別煮新年藥問
客能食老菜盤欲上飛雲更何日典裘沽酒掛
驢鞍

殘菊寄蕪素

此菊自九
江昇來

徒檻編籬與護持託根何謝九江時數花寂寞
元高品一賞延緣有舊知把酒忽驚今日意
英誰弔古人悲風霜未改微馨在看到玄冬復
幾詩

晨起將出尋梅

朝煙橫野犢鳴陂索杖山齋睡起時
 田父許留今日酒梅花不欠去年詩
 衝寒索笑來何處帶病尋香出每遲
 彷彿西湖夢中見水邊籬落忽橫枝

半樹橫枝太逼真暗香疎影亦傳神
 芝蘭失寵元無雪桃李生嫌更媚春
 老幹最宜千丈石香風不動九衢塵
 相思滿眼天涯暮迢遞無因寄遠人

虬枝高望鐵橋開稟氣寰中寡所諧
 樵塢夜寒花索酒山厨香近月橫堦
 何處畫圖空議擬他時羹鼎絕安排
 相逢也恨孤山淺那得詩情到簡齋

跌大泉賦射公朝賦車之半心常以檢

村南入路細索蛇注目寒江不見花
 遠樹帶煙風裊斷長稍離岸石鈎斜
 看來欲洗溪邊竹折去須乘水上槎
 買地結庵何處所老梅今擬作東家

輓勅總兩廣軍務都御史郴陽朱公

十年持節嶺西東奏疏金門月幾封都府清虛
如到寺家徒冷淡不隨公瘡痍已拯人間溺經
略還收戰外功猶與後時憂餽羨餘不以獻
重瞳

髮踈齒豁瘴天涯已道頭顱事可知萬里忽聞
徵召起九泉應恨乞歸遲事方年少常如鈍慮
過時人忽似痴愛惜餉軍三十萬至今猶繫陝
人思

楚天春望思
任共庶交情
祗向深望有鵬程

高萬里故收駿骨破千金姓名叨入黃公傳絮
酒空懷孺子心拂拭孤桐向明月哀絃彈絕不
成音

太子少保誠庵朱公歸壘柳陽適會憲長

陶公遣生員陳諫偕景暘往祭其墓遂併

以公意作詩贈之

銘旌前日別金臺故吏聞生安在哉黃葉孤村

荆桂老青山連騎越香來人思舊德聞吹笛鳥

避新阡下啄苔欲了平生功德狀到時須打墓

碑田
黃金誰問買端溪羊祜殘碑我解題一飯可忘
公吐握千秋遺愛廣東西寒瀧急雨飛濤惡夜
峽啼猿哭月低不為高堂兼卧病天涯絮酒肯
教携

讀張進士輓丁明府彥誠詩次韻

六年官守斃諸難七月孤兒護一棺作縣未逢
真事會濟人初試小還丹思張公道多違俗入
叙年勞不轉官今日桐鄉須愛我還公俎豆黃

雲間

寄莊定山兼謝藥鼎祭器

青燈白馬共延緣半樹梅花一大顛謂太色笑

親公剛一月江山別我忽三年懸車有病時將
晚辟穀無方意可傳祭器遠來人不見夜焚香
炷拜青天

易柳訃至乞書銘旌

三年不款白沙扉病枕春來耗亦稀天地無窮
流水遠江山猶是昔人非群賢半逐春雲散老

白沙卷七
九五
泪還隨暮雨飛八字銘旌吾敢愛知君不愧舊
儒衣

謁諸墓

宿草荒墳祗自悲百年心事欲奚爲券堂有鼠
能穿地神道無人可假碑數口仍憂開歲給一
錢未領到官支赤泥淺土嗟何及早晚沐金盞
一揮

悼林琰

青湖山下抱琴回人道藩籬自此開凜雪果嫌

身抱柱其眠真有鼻呼雷塵埃衮衮荒書課鴻
鵠翩翩落酒杯多謝急難兄弟好爲收遺骨塋
蒿萊

扶胥早寄坐中身晚入黌宮忽四春放意自名
狂者事到頭誰是醉鄉人世緣可徇聊同俗習
氣難除每喪真聞道平湖埽漸近相逢空有一
沾巾

景雲如柳陽未返懷之舊韻

曲江忠襄鄉先達過兩廟拜看留題鳥還英德

山當面人向芙蓉路更西
蓋頂拂霜羸馬怯擔頭
衝雨跛奴低西風兩眼
龍門泪洒向桂陽何處
溪

表侍御夜過白沙
萬里心期共杳然
春風何處酒相延
霜臺白髮三千丈
草閣青燈十九年
酩酊放歌聞浦口
支離從事說南川
乾坤此意誰拈出
畫是卮義未畫前

候緝熙

何日江邊艤盡航
春風先客到林塘
鳥性亦知長傍樹
人情莫甚久離鄉
蕭蕭白髮春還短
悄悄丹心老更長
不負平生表御史
嶺南無地著秋霜

悵望春江醉欲呼
諸君還契此機無
花開小泝供持酒水
到垂楊可繫艫
暮景何勞方伯玉
前程端勿問平湖
故鄉不似前回別
江閣青燈對老夫

寄張兼素

歸舟遠汧長江水信息初通五嶺雲此日山林
聊共病幾時風月許平分諸賢在位當扶世我
輩何人敢避群蚤晚求丹還入海風濤滿地却
懷君

緝熙至用寄兼素先生韻寫懷
黃鸝啼破海山春萬里滄溟一片雲童子燒香
賓客坐老妻謀酒隔墻分閑花塢裏歲春色麋
鹿山中失舊群今夜蒲團空對我明朝煙艇不
隨君

草閣春風忽兩人坐臨江水看江雲尋常肝肺
詩中寫六十頭顱鏡裡分落絮風驚還著樹行
人日出便離群孤舟遠下南京道望斷梅關不
見君

次韻張廷實舟中寫興

春浪江門又打山孤舟誰蕩兩山間雙眸少見
鸞高翥百歲當如蔗倒食影響何勞空說夢切
名真個不如閑何人解脫葫蘆纏跳下魚磯共
釣竿

東園堂
五十五卷
卷之七

白沙先生六十年脚頭到處是青天幾場世事
攢眉應千丈雲根枕頂眠今夕高談真不偶後
來勝會恐無緣白頭不起江門浪打住吟風弄
月船

好月江門客未眠水風吹冷綠楊烟望窮碧海
三山路興滿羅浮七洞天勢利可能驅我輩路
人剛道是神仙千峯不語留君醉乞與人間作
盡傳

白沙子卷之七

終

坐朝五水音

南